

大復集

田



門八和  
1215  
卷4



大復集卷第十一

都指揮婚表

七言歌行三十一首

乞巧行

以下使集

鵲橋崔巍河宛轉。織女牽牛夜相見。岳陽女兒  
迎七夕。乞巧樓高高百尺。華燈明月光窈窕。結  
綵繡花綺羅繞。富家女兒恃嬌小。年年乞巧不  
得巧。貧家女巧世所稀。只為他人縫嫁衣。湏臾  
露濕金剪刀。雙星漸沒河漸高。人間天上兩迢迢。



遙步襪仙裙空寂寥。君不見古來巧拙何足語。  
歲歲樓前競兒女。

古松行

岳州地多古松樹千株萬株植官路。故老猶能  
記歲年行人不鮮知。朝暮臨江西來朏霧起夾  
谷連山一百里黛色寒通七澤雲秋聲夜捲三  
江水郡城之北江水東鄂王祠廟丹青空英雄  
為謨本宏遠古木至今多烈風忠魂義鬼杳何

在故物依然見遺愛繁枝百世人不剪直氣千  
尋枝當拜六年前過蒲圻城古松陰中三日行  
空山倒掛雷雨黑盛夏常貯炎風清郵亭傳舍  
總蕭瑟鬱抱煩襟亦飄逸迴巖峭壁奔洪濤老  
蔓長藤翻白日只今復向巴丘道野草漸多松  
漸少仄徑孤根半蝕苔夕陽幾樹空垂篤昔時  
所見合抱材斷枝落葉隨蒿萊過客山中想清  
籟行徒道上愁黃埃輦山與嶺萬十重半作豪

家樓上棟○古人之力○今人勞○大厦明堂不得用○  
年年官吏催斧斤○故老雖怒那敢嗔○傍枝出地  
子成樹○野婦山樵摧作薪○驛前數幹聊可數○我  
忽見之再三○樵霜皮露甲如虬蟠○霧鬣烟鬟學  
龍舞○陰森氣象凜猶昔○翠色長標不可侮○荒林  
曠野識者稀○終爲誰家起廊廡○回首鄂廟秋山  
阿廟前之樹○無高柯○鬼神訶護亦徒爾○英靈不  
返將如何○達人且勿怨搖落○志士胡爲傷軼軻○

君看世事盡如此○拔劍聽我松前歌○

津市打魚歌

大船戕戕繫江岸○鮎鮎鱖鱖收百萬○小船取速  
不取多○往來拋網如擲梭○野人無船住水滸○織  
竹爲梁數如畧○夜來水長沒沙背○津市家家有  
魚賣○江避酒樓燕估客○割鬻斫鱠不論百○楚姬  
玉手揮霜刃○雪花錯落金盤高○鄰家思婦清晨  
起○買得蘭缸一雙鯉○篋篋紅尾三尺長○操刀具

案不忍傷呼童放鯉波去寄我素書向郎處

偏橋行

城頭日出一丈五偏橋長官來擊鼓山南野苗  
聚如雨飢向民家食生拈三尺竹箭七尺弩朝  
出射人夜射虎砦中無彥亦無堵男解蠻歌女  
解舞千人萬人爲一戶殺血祈神暗乞蠱沙蒸  
水毒草根苦上山下山那敢鼓蠢爾苗民爾毋  
侮虞庭兩階列干羽

省中公讌

今日何日公讌會紫薇垣下填車蓋抱戎大監  
爭邀呼御史中丞立相待坐花饌玉綺席陳愧  
我何能居上賓勸酬盡是文武士列坐俱爲藩  
臬臣廣堂潭潭長百武堂前槓鐘復搥鼓擊石  
彈絲逐橫吹清歌緩節隨輕舞酒闌起酌明燭  
前橫金鳴玉聲珊珊交衢夾道燈火乱仰看月  
出樓臺問諸公豪俊世希有恊恭同寅重邊守

幸時夷方不用兵，簿書之暇得飲酒。只今天  
子布、洪仁、九州四海俱同春。清風想見唐虞出，  
玉座欣瞻日月新。諸公於此復何慮，矢志盟心  
思致身。

盤江行

四山壁立色如赭，盤江橫流絕壁下。驚濤起壑  
奔萬牛，峻坂懸空容一馬。危巖古樹何陰森，尋  
常行客誰敢臨。徃婦清晨出深洞，虎辟白晝行

空林。沉潭之西多巨石，短棹輕舟安可適。日光  
射壁巒，烟黃雨氣蒸江瘴。波帝土人行泣向我  
云：此地前年曾敗軍，守臣祇知需貨利。將士欲  
苟圖功勳，英雄謨策自有術。竄婦奸男何足論，  
雲中鼓角連營起，陣前臨山後臨水。烹龍釀酒  
日酣樂，傳箭遺弓尚驚喜。戰馬俱為山下塵，征  
夫盡向江中死。遂令狐豕成其雉，屠邊下砦轉  
相攻。千家萬家難大盡，千城五城烟火空。夕陽

愁向盤江道。黃蒿離離白骨槁。魂入秋空結怨。  
雲血染春原。長寬草口。今夷虜來歸。玉高墩短。  
塹俱已荒。牧童驅羊上塋塚。田父牽牛耕戰塲。  
惟有行人行嘆息。聞說盤江淚石臆。

大石關行

青山十仞城百尺。雲中差我列萬石。關門控險。  
鐵不如。萬人可望不可踰。蠻兵一朝殺關吏。驅  
馬入關履平地。山頭矛戟多於草。弩箭射甲如

射縞。當關祇用一夫力。胡爲萬卒猶難保。君不  
見山上城堞毀。樓傾四壁立。青狸蒼兕朝對啼。  
白蒿黃雲暮愁入。

栖鳳亭

爲黔國賦

將軍園中何所蓄。十尺亭子四面竹。亭中一榻  
十卷書。將軍晝遊夜還宿。元勳甲第高入雲。竒  
珍異玩窮海陸。傳軍雅性不爲嗜。只愛亭邊萬  
竿綠。舊家風節傳累世。見此勝如見喬木。根株

盤據幾十年出地皆成老龍骨  
舊幹扶疎已作林  
新梢復見高於屋  
新梢舊幹森相向  
百丈空雲寒  
突兀先公開園一何勤  
引水分畦費營築  
石間斲南移紫瓊  
沙上耕烟長青玉  
至今遺愛思萊公  
萬古看詩想淇澳  
將軍能武兼能文  
展卷一日數行讀  
只今世守清白操  
春風如溫霜如肅  
閑時高卧園之中  
此君亭亭對幽獨  
月軒夜坐呈夏革  
風榭涼憑除暑服  
空冥縹緲聞笙

竿戶牖清虛映籤軸  
崑池歌動黃鸝高  
洞庭笛橫白雲哭  
瑤琴一鼓瀟湘亭  
水綃舟寫篔簹谷  
憶昨路經嶺徼來  
移植金稀多襟邀  
山深苦竹啼鷓鴣  
地僻枯篁宿麋鹿  
何期得到將軍園  
一洗胸中十年俗  
清農邀我促席看  
半日捲簾猶不足  
我聞竹生玉河涌  
開花結食鳳凰啄  
將軍文采真鳳凰  
凡樹安能動高目  
願將音響入簫韶  
奏我亭中棲鳳曲



黃陵廟

黃陵峽中灘水多黃陵廟下難經過  
我我巨舸牽百丈櫓折檣推不得上  
江風蕭颯加鼓哀廟門遙向楓林開  
往來落帆泊江口俎牲呪神醜  
神酒南船下峽疾如箭岸草汀花看不見  
巉巖亂石撐如麻雲間濁浪迷三巴  
千里舟中坐起忽回首天西斷心骨

關索嶺

噫嘻吁嶮巖何天設之危艱下有奔雷歎雪之  
飛壑上有懸崖石棧百折而造天欽峯方巉巖  
回復方盤盤行人鴈陳而魚貫計分寸方躋攀  
飛朽方折翼猴猿方無援首失足殞石而落筆  
方曾不足以充虎蛇之餐朝不見日夕不見月  
雲烟慘慘兮晝夜寒噫嘻乎何天設之危艱我  
來倚絕壁而長望蓋不知蜀道之為難

大梁行

以下復集

朝登古城口夕藉古城草日落獨見長河流塵  
起遙觀大梁道大梁自古號名區高貴繁華代  
不殊高樓歌舞三千戶夾道烟花十二衢合當  
輪駟交紫陌鳴鐘暮入王侯宅紅粧不讓掌中  
人珠履皆爲門下客片言立賜萬黃金一笑還  
酬雙白璧帶甲連營殺氣寒君王推轂將登壇  
彎弧自信成功易拔樓劍那知報怨難已見分符  
連楚越更聞飛檄救邯鄲一朝運去同棄賤意

氣雄豪似驚電揚花飛入侯嬴館草色淒迷魏  
王殿萬騎千乘空雲心綺構朱甍不復存夜雨  
人歸朱亥里秋風客散信陵門川原百代重回  
首宋寢階宮亦何有遊鹿時銜內苑花行人尚  
折繁臺柳繁臺下接古城西春深桃李自成蹊  
朝來忽見東風起薄暮飛花滿故堤

秦州行

秦州城高高且壯四十年間兵不向旌旗忽乘

雨○雪○入○一○夜○開○門○納○兵○仗○請○降○盡○是○迴○曲○軍○拒  
戰○不○觀○牙○城○將○韃○靼○將○軍○并○道○左○緋○衣○小○兒○來  
天○上○州○人○始○識○裴○丞○相○

流螢篇

廣○儲○六○月○清○無○暑○流○螢○掃○逐○薰○風○舉○如○見○昏○連  
萬○戶○星○更○看○夜○照○千○門○雨○千○門○萬○戶○競○高○低○拂  
檻○縈○廊○亂○復○齊○碧○莎○映○水○先○初○迥○綠○柳○樓○烟○影  
乍○迷○水○光○烟○影○飛○還○散○肯○使○炎○精○易○淪○滅○帶○火

終○須○避○太○陽○含○梯○却○自○親○流○月○長○信○宮○中○一○葉  
秋○玉○階○金○閣○見○螢○流○貴○嬪○羅○扇○開○香○篋○侍○女○珠  
簾○捲○盡○樓○誰○家○怨○婦○縫○練○素○當○窓○忽○見○流○螢○度  
蟋○蟀○床○空○寶○瑟○寒○鴛○鴦○機○暗○孤○燈○暮○螢○飛○螢○度  
自○年○年○却○笑○明○珠○按○劍○前○莫○言○腐○草○無○生○意○莫  
道○寒○灰○不○再○然○還○將○斥○鷃○鷓○鴒○語○三○復○莊○生○第  
一○篇○

觀漲

五月十日雨如射○西山諸溪水皆下○大陸朝迷  
牛馬羣疾雷夜破蛟龍窟○洪濤冥冥夕風急○白  
浪閃閃山水亞○浮波噴沫來崔巍○巨立已沒高  
岸頽○咫尺莫辨天宇闊○倉卒但憂坤軸摧○固知  
一葦不可濟○雖有萬弩何由迴○農家夜起築堤  
障○婦女走觀色沮喪○惡少迎人爭渡喧○父老携  
幼登城重○門前祗訝海勢翻○井中暗覺潮聲上○  
憶昨曾爲萬里行○洞庭灩澦何渺冥○鯨吞鰲橫

那可測○盤渦駭浪誰能平○只今夢寐時作惡○聞  
此終夜令人驚○旋看雨霽勢亦止○沙嘴忽落千  
尺水○雜花濛濛夏孺靜○細草青○夕洲麻○行人  
寒衾撥菱荇○稚子垂竿取魴鯉○眼前喜惡俱已  
忘○就中消息誰爲此○

寄贈張方伯

君侯風神有奇格○秀髯方瞳兼廣額○少年甲第  
已嶢嶒○壯歲功名更輝赫○長淮之西古蔡州○我

侯清風十載○流行人尚開歌○叔度童子猶思迎○  
細侯出祭方岳○聲雷動復道中州○又棲鳳大省○  
才賢豈易推○巨卿名位由來重○黃河清洛靜風○  
埃○少室喬嵩雲霧開○行見虞廷咨岳典○共看商○  
室濟川材○憶昔別公汝水土○太行西來隔十嶺○  
抱病還依故里居○有懷空向夷門望○夷門道接○  
大梁東○車輪日日度春風○道傍為問南來使○早○  
晚朝端召冠公○

木槿花歌

朝見花開暮見落○人生反覆亦相若○夜來白露○  
洒園藿○已是繁華不如昨○朝花枝上鬪綽約○暮○  
花辭枝竟何託○持花為謝青樓女○鏡裏容華不○  
待汝○

聽琴篇

美人橫琴坐我堂○酒闌為鼓三四行○燈孤月明○  
客不發○絃悲調急秋夜長○吾家瑤琴久不絃○金

徽玉軫無顏色。感君對此如有情。一彈使我三  
嘆息。樵歌響谷山澗幽。楚歌慷慨雲夜愁。瀟湘  
猗蘭稍平逸。四座但覺清商流。始聞白雪停翠  
竹。烈飈吹我溪上屋。忽然翻作廣寒遊。知是霓  
裳羽衣曲。含宮移羽何春容。泠泠萬壑吟風松。  
烟岑一夕怨鳴鶴。江天何處驚蟠龍。我初好音  
惟好此。橫笛短簫徒聒耳。平生頗抱鍾期懷。四  
海難逢伯牙子。今夕何夕願不違。爲君擊節淚

沾衣。高歌雅和人世稀。河轉參橫君莫歸。

觀打魚東坡韻

大魚跳波如擲塊。溪日落溶照金背。小魚呬洙  
沿岸行。潛向沙邊翻荇蕪。家僮舉網欣得鮮。持  
向庖丁割爲鱠。磁甕始見紅尾搖。霜刃旋看錦  
鱗碎。我雖愛此不忍食。悔不先教放溪瀨。自愛  
含生天地間。寧知失意波濤外。嗟哉小物尚有  
然。人間得喪誰能會。君不見鯤與鯨。釣者持綸

空爾思倏忽乘雲下滄海

孤鴈篇

孤鴈北來來幾時窮冬無侶鳴聲悲雲長路渺  
去安極日暮天寒飛更遲洞庭瀟湘落秋水苦  
竹黃蘆一十里清怨特從鳴笛生斷行暮逐哀  
箏起塵沙關塞愁轉蓬隨風且落江湖中微軀  
幸免庖人俎短翮長辭獵士弓君不見隴山鷓  
鴒解人語一生自恨黃金籠

北風行

古申城邊秋風落北風慘慘夜復作玄冬烟霧  
卷寒沙白晝雷霆出陰壑寒沙陰壑晝難開萬  
里悲風何壯哉高空落木下不止長路斷蓬吹  
更迴嚴威著地坤維裂鷹隼入谷龍蛇結寒雲  
凍月光杳冥荒臺古林氣慄冽郭西村舍雖近  
城蕭條盡日無人行門前但聞衰柳折牆外祗  
聽枯桑鳴鄰翁歲暮缺衣褐茅屋欹斜用繩縛

塵生金甌暗不掃寒入肌膚利如割堂上書生  
感歲侵臨風三嘆不成吟暮花飄揚不可見病  
葉憔悴傷人心出門黯淡天無色衝眊四來山  
爲黑黃河欲度波浪陰滄海無梁星斗及嚴霜  
大雪來幾時歲蕤朱鳳號南極

雨夕行

城頭雨脚黑不絕階下凍潦流已滿出門咫尺  
無所適積霧連雲接平坂城中佳人沈與趙我

忽思之費招挽趙子閉門卧不出沈生衝泥來  
獨晚臨階下馬入我堂琅琅高詠不可忘瑤微  
浮塵爲我拭磁甃濁酒爲我嘗西鄰彭生亦豪  
士四壁風雨卧一床隔牆深夜呼郎至三人團  
坐傾壺觴湏臾簷雨亂沾席牕風蕭蕭動烟栢  
照夜青缸寒向人促曙紅鑪暖留客請君再歌  
我擊節晨雞已下西城陌嗚呼人生歡樂難再  
來古人滿眼俱塵埃何況與子異鄉域此地相



逢能幾迴

白雪篇

玄飈竹雪龍沙密○萬里吹花度南麓○十門九衢  
堆已遍○翠崖丹壑沾應足○曙輝寒素積崔巍○中  
天照耀瓊瑤臺○羲和不知六龍在○仙人遙乘萬  
鶴來○依樓倚檻墜深院○輕羅白紵誰曾見○已將  
弱舞鬪迴風○未遣明姿讓流霞○城中車馬不動  
塵○堯家金帳暖圍春○豈知窮巷衡門裏○亦有當

時高卧人

雨雪呈望之

北風蕭蕭天雨雪○洪川大陸冰嶙峋○城闌咫尺  
不可越○念子鬱鬱傷我神○十年骨肉更知己○四  
海兄弟今何人○夫子風流本絕世○致身况在萬  
里津○頃聆清辭叩哀玉○復睹高價收名珍○愚弟  
病歸卧空壑○山中日與蓬蒿親○喜有結駟來天  
上○又許題詩到水濱○嗟哉十日不一見○眼底盛

會真難頻頻茅簷白日苦太短短祇有長夜堪留賓賓  
瓦鑪水滌亦不惡惡梅花柏葉俱鮮新新只須對此  
共歌笑笑莫使離別成逡巡逡巡

寶劍篇

戴仲鵬將赴春官來別何子何子作寶劍  
篇贈之

我有雙龍之寶劍劍重之不減雙吳鉤鉤雄遊九天  
橫素秋秋鳴鳴匣中聲啁然然扶風豪士邯鄲俠俠子

金在傍不敢酬酬雪花星文照玉玦玦贈汝慰我心  
所求求汝今年纔二十四四北上長安見天子子  
鬩鳳凰踏麒麟麟肝膽義氣無與比比杏花江頭春  
風起起綠袍青綾帶帶秋水想見提携白日前前更看  
結佩青雲裏裏我初鑄此良已勞勞昆吾鐵冶風雷  
號寶鞘鞘玉珥黃金錯錯何以繫之赤錦緜緜斫地翻  
虞滄溟倒倚天天未覺虹蜺高十年在匣匣尚未試  
嘗恐棄置成鉛刀刀君不見豐城紫氣埋古獄獄星

辰夜推窗颯哭奇器逢人自有時肯使塵沙竟  
湮沒又不見藍田寶山空突兀頑石却指神鋒  
秃平生雖有百煉鋼一用不謹為棄物吁嗟戴  
生爾無忽

寄正職方

故人王郎天上客一歲寄言凡兩東山中病夫  
儔侶稀念子不見心轉鬱長淮浪高河無梁我  
無羽翼到尔傍京師南來四千里春鴻秋鴈每

相望

寄李空同

黃河臘月冰十丈縱有鯉魚那得上楚天鴻鴈  
避霜雪未得逢春難北向康王城邊沙草曛梁  
王臺上多暮雲野人歲晚誰相對桐栢山中空  
憶君

歲晏行

舊歲已晏新歲逼山城雪飛北風烈徃夫河邊

行且哭沙寒水冰凍傷骨長官叫號吏馳突府  
帖連催築河卒一年徵求不少蠲貧家賣男富  
賣田白金縱有非地產一兩已值千銅錢往時  
人家有儲粟今歲人家飯不足飢鶴翻飛不畏  
人老雅鳴噪日近羣坐男長成聚比鄰生女落  
地思嫁人官家私家各有務百歲豈止瘵一身  
近聞狐兔亦徵及列細持矰徧山城野人知田  
不知獵蓬矢桑弓射不得嗟吁今昔豈異情昔

時新年歌滿城明朝亦是新年到此舍東鄰聞  
哭聲

入京篇

軒車若水流宮闕似雲浮畿甸一千里山河十  
二州城中甲第共崔巍別起雲臺接露臺旭日  
纔臨萬戶動飛塵遙見九關開九關雞鳴競車  
馬百僚已集金門下入衛比日爲龍虎軍來朝盡  
是貂蟬者天子乘春覽物華霓旌羽扇五雲

車六龍不駐十官仗。正騎常過七貴家。七貴家  
連鳳城裏。轉日薰天勢無比。池樹春來錦繡圍。  
樓臺日暮歌鐘起。復有蒙恩過薰仇。執柄持權  
得自由。不使府中除將相。直教門下謁王侯。王  
侯貴人慕豪富。意氣相看益驕妬。未惜朱閑驤  
馮駟。豈論金谷珊瑚樹。托身日月有光輝。與翼  
風雲多會遇。可憐漢室盛衣冠。楊雄蓬巷獨飢  
寒。終歲校書空閑閣。十年執戟不遷官。公孫射

策取鄉相。李唐馮唐徒自嘆。

嫦娥圖

月宮我我冷光射。桂樹長生花不謝。玉宇瓊樓  
閑早秋。金蟾銀兔啼寒夜。夜寒露下步瑤臺。羅  
襪仙裙冉冉來。屏障乍開雲母隔。簾櫳遙望水  
精開。明星迢迢斜銀漢。誰擬丰神傳素練。霓裳  
羽衣世莫聞。霧鬢雪貌人難見。靈藥空餘石臼  
妻。吹簫跨鶴幾人迷。君欲邀遊廣寒殿。直學萬

文青雲梯

胡生行

近時逢人論術數，胡生相法稱獨步。閉戶特看  
人相篇，然燈夜讀石室賦。吾觀此術非荒唐，異  
人歷代各有長。我朝名家亦不少，神妙無過袁  
柳庄。君學本從袁氏出，識見至今如畫一。爲客  
十年九幾更，閱人四海無一失。初從燕市度生  
涯，一日聲譽傳京華。衣冠每動公卿座，車馬爭

迎貴戚家。自從仗劍離京城，當時朝士無相識。  
已往豪華不可論，只今形貌猶能憶。漂泊江湖  
不自伸，袖中書在羊埃塵。窮途及遭俗眼士，末  
路難逢好事人。昔聞燕邸招藝匠，袁生抱術金  
門上。文皇自有天子鬚，群臣盡是封侯相。  
君臣十載當一時，雅鑒風神猶在茲。才殊未可  
尋常得，數偶還教際會奇。古來相心不相體，眼  
前貧賤那能擬。志士翻居草澤中，貴人多在塵

埃裏胡生謂我顏色奇。顧我已。是雲壑姿。  
不識錢若水。麻衣道士應當知。

袁惟武山水圖

源潭窈窕開層島。疊嶺撐空且傾倒。人家萬樹  
隔村原。細雨冥冥春更好。清江柴扉映春草。樵  
歌漁唱歸林早。帆色遙隨返照迴。岸沙却被垂  
楊掃。袁侯此圖愛藏護。盡手莫識馬與顧。樹壁  
盤紆見巖壑。開胸拂拭生雲霧。嗚呼此圖侯當

珍重留壁間。萬金莫買真江山。

大復集卷第十一

大復集卷第十二

七言歌行三十六首

歸來篇

君不見陶公飲酒負奇氣。平生下筆五千字。不

昔上書于明主。安能束帶見小吏。歸來不顧千  
頃田。但須囊中有酒錢。男兒委身事權貴。摧眉  
折腰誠可憐。朱君雄豪氣如虎。夙期直與陶公  
伍。青袍銀帶不復視。壯年棄官如棄土。雅性好  
酒兼好文。眼中富貴豈足論。五花換酒召賓客。  
千金買書遺子孫。人生百歲終蕭索。如子從容  
胡不樂。未信原生少宿儲。却比蘇家多負郭。長  
安陌上久離群。予亦還山卧白雲。南巖桂樹花

自發。歲晚相看一望君。

雪中宴袁揮使惟武宅

四郊飛雪暗高城。北風怒號天杳冥。將軍宅中  
書擊鼓。哀箏鳴。留羅後庭。我時凍吟在西野。忽  
見將軍送書者。開書讀罷喜即行。邀我入門方  
下馬。疑輝絢素開簾櫳。流風迴霰滿堂中。青氈  
帳高雪不濕。蘭燈夜照氍毹紅。鄉家父子皆好  
客。能留對雪歡。今夕已看稱壽奉千金。况復



歌出雙壁梁園賓客多交遊謝家兄弟盡  
古人成事長已矣吾輩優游亦不儔

沛公昔日分義軍  
旌旗十萬兩入秦  
山東諸侯皆後至  
咸陽萬姓思為臣  
項王東來怒如虎  
置酒朝會鴻門下  
門前壯士擁盾入  
座上小臣拔劍舞  
爭雄較勝未可量  
相看杯酒成倉皇  
揮刀醉擊玉斗碎  
攬帶空懸寶玦光  
沙丘城邊祖龍死  
芒碭山傍匿天子  
澤中夜聞白蛇斷  
霸朝上朝

者赤雲起君不見劉郎供帳出秦宮  
宮中火照三月紅  
英雄為謨自有術  
亞父徒知殺沛公

垓下行

咸陽原上失秦鹿  
戍夫入關競馳逐  
君王自負十尺軀  
傍人更訝重瞳目  
橫行按劍一何威  
叱咤四海隨指揮  
諸侯西向受金印  
壯士東歸盡錦衣  
陰陵道中夜失援  
垓下孤軍獨迎戰  
百萬王師來震天  
八千子弟隨飛電  
自言百戰

身寧知一敗損威神美人帳下看無主  
駿馬工邊棄與人楚歌聲高暮雲佇孤燈對酒  
條不語蓋世英雄力拔山一夕悲哀淚如雨  
君不見三軍縞素行負戈烏江不渡愁風波  
古采失道衆所棄父老雖憐將奈何

長歌行贈旺兄

兄爲吾祖之長孫能將孝義持家門耕鑿不隨  
時俗改衣冠頗有古風存我家秉固舊鄉土穀

有田塲桑有圃諸弟誼誼逐城市兄也蕭條守  
環堵僕童馴雅妻更良男女膝下皆成行女長  
適人止近里男大爲農不出鄉只今女年六十  
七我翁爲叔汝爲姪歲時相看如父子登堂過  
庭禮不失弟昔省兄盡君懽夜秉燈燭羅杯盤  
兄前勸飲嫂勤餐留我一月相盤桓自從離兄  
仕都下都城誰是悠悠者萬戶清晝辰霜滿表  
九衢白晝塵隨馬朱門金鎖午未開我曹不敢  
索

馬回此時吾兄正穩卧日高戶外無人催  
兄好靜謝塵網一卷道書常在掌托身未  
月附年少舉手何曾揖官長頃來生事日  
看微種麻自織身上衣少兒從學長幹蠶  
我兄心中無是非君不見人間歲月坐相  
迫胡為東城復南陌兄今已作白頭翁  
弟亦長辭青瑣客山中桂樹况逢春谷  
口桃花更照人花前樹下一壺酒弟勸  
兄酬不畏貧

短歌行贈賈西谷

城西草堂日無事廣文先生騎馬至先生雅性  
嗜林壑為愛吾廬有幽意長溪風起寒日冥晚  
雲含白冬樹青山城沽酒不易得為爾且繫雙  
銀瓶光生好吟近頗酷手書佳句况分血軸燈前  
朗詠三十篇一一徽音中金玉顧予踈陋非良  
儒感君過野常優游城中豈無萬戶侯金駝四玉  
饌不少留從來富貴安足慕水上浮雲草頭露

君不見賈生自負洛陽才南遷旦作長沙

漢將篇

漢家西北烟塵起烽火夜照西京裏胡虜奔騰  
一萬騎關塞遙迤五千里飛符插羽暮精強連  
營列陣掃邊疆已見將軍屯細柳更聞天子獵  
長楊長楊羽獵兵威振疊鼓鳴鉦聞遠近龍虎  
遙分天上軍魚蛇徧閱雲中陣長安驄馬俠少  
年金鞍玉轡鐵連錢共看拔劍追驕子自許彎

弓射左賢驚風書起邊沙漲踈黃雲迷所向  
飲馬寒臨月窟傍驅兵夜度天山上降旗歎節  
樹戎城卷旆迴旌入帝京征人半死龍庭戰壯  
士俱標麟閣名麟閣功名不易得貴臣良相徒  
顏色威胡盡道李飛將還漢誰言蘇富國玉門  
關外朔雲愁燕頷書生亦白頭君王自憶廉頗  
輩義士羞稱萬戶侯

孤鶴篇

我家孤鶴李侯贈霜儀皎潔三尺高向人得矜  
短羽翼失侶豈免長吁號赤霄青雲暮延佇天  
長路遠飛不去日來秋塘咏苦寥時向空墻倚  
脩樹憶昔初在山人家雌雄和鳴閑且嘉夜寒  
對舞庭中月日暮隼棲嶺上霞李侯平生重幽  
德致此遠自東吳國金櫳玉檻晚相送異種奇  
毛惜不得一自天涯失舊侶行垂頭戢羽空徬徨  
朝聞橫笛音相和夕對鳴絃影自傷荒堦雨濕

多泥滓毛翮摧頽風不起奮迅那推一鷄先昂  
藏且在群鷄裏吁嗟人世是還非華表千年更  
一歸蓬萊宮內青瑤樹會接文鶴比翼飛

冬雨嘆三首

季冬十日雨不絕寒烟凍霧何淒淒城頭無由  
見白日坂下祇是愁黃泥鄉中餓叟納官賦白  
頭赤脚行中路薄暮臨河望郡城水深岸滑何  
由渡

二

一冬苦稿雪不集細雨冥冥高岸濕天邊鴻鴈  
安所歸歲晚蛟龍不得蟄昨聞汝北多死亡橫  
尸委骨官道傍我里四鄰久已出到今不知死  
何鄉

三

西望千峯萬峯連出門朝暮生雲烟日傍雨脚  
下平地風外濤頭衝遠天急颺北迴振林薄白

晝狐狸行近郭城下飢烏啄死人蒼鷹側未怒  
相攫

懷舊吟贈阮隆

君家高樓對芳樹開宴曾留三日住銅盤絳鼠  
煖照春金壺銀漏寒催曙知君重義多豪游滿  
門賓客爲我留珊瑚不避鐵如意驂騑皆纏金  
絡頭爾時北上與君別蔡州城外花如雪夢裏  
猶尋汝上雲醉中却憶淮西月丈夫富貴各有

因如君立身亦不群行年四十未白髮生兒十  
八期青雲君從秋日遙分手我向東風一回首  
山不長寒籬舊薜蘿樓前應長春楊柳

客倉行

長棘周表三丈垣高門鐵鎖緘兩關黃髮須碧衫  
下殿吏白板朱書十行字帳前喧呼朝不休剪  
旌分隊聽唱籌富家得粟堆如丘大車檻：服  
兩牛鄉間餓夫立墻下稍欲近前遭吏罵

除夕醉歌二首

今歲相逢惟此夕美人金罇莫虛擲千金一刻  
真可惜夜久衾帷望河漢寒星欲沒明燈爛長  
歌坐待東方旦

二

孤城歲徂嘆嗟獨舉觴醉飲城西曲野風蕭條  
山雪暮寒梅無花柳難綠今年今日不可留明  
日明年更可愁山中縱有如澠酒春花爛熳與

誰遊

醉歌行贈柴逸士

今年中秋與君共舉觴待月城西宅良夜清尊  
逢故人空堂明燭留遠客山城暮雲黯未收流  
烟何時散高樓清風徐來勸我飲明月不至冷  
人愁君是長安舊相識坐論舊事還相憶金市  
豪華如夢寐玉京仙侶無消息人生去住安有  
同自如長風吹斷蓬得隨江湖扁舟外不恨闕

山橫笛中酒中雲散天如洗月明忽墮金罇裏  
起看皓彩發青巒坐見流光盈綠水聞舞高歌  
夜未央攬衣擊節爲君起

和獻吉送公順

君不見池中魚君不見澤中蛇一朝羽翼起煙  
霧向時頭角盤泥沙神物舒卷各有時男子豈  
得常在家君今年纔四十餘雙旗駟馬高蓋軍  
手中持文符腰下佩鞬韉登山采球琳涉水采



珊瑚吁嗟至寶今豈無莫使和氏空號呼

古峯画梅歌

空江月墮孤山曉直幹橫枝踈更好夜來夢破  
碧窓虛殘雪半庭寒不掃小橋水淺影初斜野  
徑風清香未老霜寬月魄獨偃停玉骨冰肌白  
枯稿溪頭數點瘦花明塢雲漠漠林烟渺逋翁  
湖山詩思閑寂、柴門春醉倒山亭晝午鶴飛  
還一聲長笛江門悄

登山吟

風吹葛蔓石磊磊、蘿薜搖烟映山鬼我行登山  
采石耳長歌指林暮風起君不見寺傍桃李飛  
如霰青春已破白日晏萬事盡何東流波高飛  
且嘆南來鴈

落花嘆

君不見樹上花東風吹始開東風吹開又吹落  
世間有樂寧無哀汝南何生未三十頭髮未白

心已灰見此落花三嘆息東風吹去何時來

復見阮生行

阮生別我尚總角三月不見冠戎：未知草實  
竟何似眼看玉樹成枝何君不見世間日月翻  
如波昨日黑髮今則皤龍駒千里汗成血道傍  
老馬空蹉跎人生少時不努力齒大身長嗟奈  
何

古井篇

君不見見城邊古井荆棘荒沙崩雨塌官道傍當  
時碧甃映朱閣黃金闌干銀作床美人銅瓶響  
哀玉寧知委棄同悲涼梧桐花乾蘚花滋踏鷓鴣  
側窺虹蚓入百丈寒泉尚堪飲心長綆短空愁  
立

古松歌

賢隱寺傍之古松奇絕可比徂徠峯問之故老  
迷歲月但見皮肉屈疆苔蘚象高枝上掌玄冥

風迴柯友掃陰崖雪藤翻蔓卷空林黑集霰流  
烟豈終極斧斤相顧畏盤錯梁棟誰未誇正直  
昔予山遊駐車馬行吟屢憇茲松下松根老僧  
爲開徑野色巖姿坐生暝葉暗秋燈梵殿深花  
香晚飯齋厨靜一年幽憂不到此寧知摧折空  
山裏龍盤虎擊終有神白骨蒼鱗半枯死滄波  
口岸霜氣夕砒砢猶看數千尺石上連朝走雲  
雨山中十月飛霽霽千靈百怪相護訶過客居

人盡憐惜君不見秦山五大夫零落今看狂何  
處滄海空流使者槎悲風暮起將軍樹嗚呼人  
王富貴竟何益松子松子吾當爲爾誅茆傍青  
壁

隴右行送徐少參

隴右地長安西行一千里秦日長城號塞垣漢  
時故郡稱天水聖朝掃盪無烽烟射獵之地爲  
桑田熟羞賣馬常入塞將軍遊騎不出邊知君

風來古遺愛揚策傳符度關內父老三秦望節  
來大戎諸夷遮馬拜開藩分道鎮邊塵居守巡  
行歷幾春熊軾朱幡今岳伯身冠白筆舊臺臣  
瓦亭之西半山谷土室陰：連板屋落月孤城  
清渭源寒雲古蹟黃河曲十年此地曾遊歌別  
來風物今如何竹花秋臨爲鼠穴楊葉夕渡魚  
龍波回看萬里風雲色少少趨庭淚沾臆相送  
悲吟不盡四清關山麓坂高無極

遊西峯示四子

今我不樂遊西峯善有四子來相從日長古寺  
風景靜蜀葵姑青榴始紅彭生舊時同遊者每  
遇遊山先路馬徐生愛山欲留宿朝見青山獨  
開目自云邑城盡原對煩恨無家傍林谷陳阮  
水騎馬欲行侶復還吁嗟汝輩各努力此身會見  
生羽翼乘風高舉或遠遊安得久爲山人留他  
時倘願騎黃鵠隨我江邊伴白鷗

甄邦治行樂圖

黃金雖有餘不如常乘下澤車紫綬結腰下不  
如常騎款段馬人生富貴皆有憂豈必只願封  
公侯君今出有駿馬更輕裘及此壯年當出遊  
西飛日月如東流君不見馬少游

長安大道行

長安大道如弦直車馬相逢不相識金鞭玉轂  
共爭先日紅塵大道邊七貴門前羅將相五

侯座上列神仙五侯七貴同杯酒萬騎千夫盡  
奔走一言得意賤可貴日計奉身無亦有五酒  
經過日共遊比權並執暗相謀才見黃金結兄  
弟忽看白刃起仇讐薰天灼地期長久覆雨翻  
雲亦隨手富貴誰言福作門驕奢終與禍爲鄰  
瑤臺歌舞新更主金谷池亭別與人豪賓貴客  
如風霰鞍馬當時倏雷電得飽空聞鞞上鷹附  
炎不見梁間燕尋常兄道太山安頃刻寧知滄

海變秋來春去巨推遷物理相尋是等閑豈知  
盛滿哀仍至豈識憂從樂極還獨怪梁生何感  
悵拂袖長歌辭漢關

送顧錦衣赴廣東僉憲

以下  
京集

君不見錦衣白馬若電、當朝氣勢人爭羨顧  
君出入身不移心看富貴同貧賤二三貴人隨  
至尊冠冕劍佩如雲屯青袍自向將軍幕款段  
不叩諸侯門外臺新捧廣州檄青真斧鉞生霜

日海嶠諸城發鼓迎江天萬里塞帷出丈夫不  
言自立身清水白石何難、金張門客不足數  
燒、赫、何為人

送樊生

翩、南圖鳥昔是北溟鯤纔見傳風一日起忽  
省垂翅九天雲樊生此行覽吳越大江石成通  
日月宮、南京十二樓波浪蹴踏金銀闕爾上  
金陵望帝關星河比極開幽燕丈夫常懷四海

志才人亦賦兩都篇排空萬里有毛質再棲扶  
搖上九天

彭生行

岷峨山根江水圻萬里波濤混吳越傾湖倒海  
不可量仰看一線青天上鬱藍秀色盤三巴間  
產錦石兼丹沙王嚴楊馬各挺出異才豈必生  
中華彭生昂：千里駒少年騎馬來成都飛黃  
驥裏未即試已覺奇氣排長途君不見岷山不

崩江不枯古之高才何代無

黃河篇

黃河崑崙源九曲與天通銀漢貫箕尾左般日  
月宮奔流下龍門噴薄沙海風三山萬里倚窮  
髮敷鯨極虹梁開恍惚排空雪灑垂銀城便可因  
之向溟渤郭生少年觀上都還家且泛黃河壚  
讀書豈必破萬卷覽勝何須行九區蓬池已在  
梁園裏嘯歌綠水洪波起揚帆他日乘高秋見

兩星搓掛斗牛

三清山人歌

山人佩劔冠遠遊腰間盤囊垂虎頭七星照權  
金銀鈎東行策杖指盧霍逝將滄海尋丹丘三  
清西南龍虎連攢峯疊翠盤石連千崖萬壑不  
可以徑度玉梁倒掛銀河前貴峴下望憑雲烟  
石壁中開日月懸傍通七十二福地白玉樓臺  
羅洞天北中棲身煉大藥寶笈靈書啓五岳騎

鹿時見南斗君聞笙夜候緱山鶴我今遊目送  
冥鴻欲訪名山入越中飛梁萬丈倘可接共爾  
青天躡彩虹

昔遊篇

三星爛夜河漢流鶴行瑟作中堂幽李君勿嘆  
息薛君且停謳英：孟夫子聽我當筵歌昔遊  
昔遊少年觀上都並轡驕嘶雙紫駟雲中十二  
樓羅綺照燕州夾槐復道臨仙苑垂柳通關對



御溝平明向帝宅半醉通王侯遊梁詞賦那稱  
數入洛聲名未足傳自言與我共聯翩塌翼寧  
知落九天折花別青門揮袂渡湘川班竹古魂  
垂淚雨蒼梧遙夢結愁烟南嶺越江坳東城移  
海郊不記流年幾拋擲五見楊柳垂青稍鴻鴈  
啟他縣鷓鴣棲故巢君從歧路悲轉蓬我在長  
安嗟擊匏金門上書久不報雲閣題詩空自朝  
鄉茲守蹉跎舊客罕經過日與李薛輩詩酒縱

歡歌春風宛轉青絲斝夜月留連金巨羅筆翻  
翠虹霓手掣生蛟鬣三千豔女羅紫宮傾城一  
笑揚雙蛾星分霧散去長安豈意天垂雲雨歡  
龍劍雄雌忽復合朝天再覩漢衣冠帝京宮觀  
一如昔盤龍曲鳳青雲間九衢車馬流如水五  
侯甲第峙如山星樞常不轉海岳自迴環昔日  
繡衣一何貴今看鼠逐宰河關可憐舊賓友逝  
者誰復還二三壯士力搏虎轉盼埋骨黃泉灣

榮華閃爍若電露倏仰今古凋朱顏君不見漢  
李廣威名萬里匈奴聞弯方貫白石射虎生黃  
雲一朝謝病逢醉尉灞亭不識故將軍君不見  
秦范雎摺脅拉齒隨王稽一言奪相印七國趨  
關西雄豪趙魏工公子徒使虞卿從魏齊貴賤  
傾覆如旋風王侯豈異鳥與虫魯連獨蹈滄海  
去張良仍從黃石公孟夫子樞角與君戲共許  
非凡倫萬金駸馬騰天雲子今胡為在風塵低

頭靦面男子身笑予落魄亦如此痛飲狂歌非  
隱淪回首向崧岳少室高嶙峋寂寥紫芝曲空  
負桃花春會須約爾同歸去為招李薛兩才人

贈商三

去冬雪雨留蘭門開言謹浪倒金罇今春燈火  
到長安過門不可迴銀鞍燕山花隔平山柳馬  
上東風幾回首

大梁吟送李進士

太梁擅豪華鉅野生龍蛇頃來曹季輩權秀冠  
詩家神駒並逐兩超絕凡馬百萬空咨嗟李邕  
門下多奇士曹是賢甥李高第登龍自昔忝通  
家附驥相看拔名世梁王臺館罷歌鐘充園賓  
客有遺踪侯嬴舊隱夷門里李渤今歸少室峯  
回望嵩高瞻岳首即尋玄圃問河宗可憐二子  
詩家秀吾生已愧盧王後司馬黃金賦未逢楊  
雄白首書空就李當春日別燕川曹也誦詩神

黯然蓬池更憶阮公嘯腸斷洪波綠水篇

東海太守行贈徐以敬

西曹大夫東海太守且停爾車飲我酒二十讀  
書飽經術腰下組紱無一尺一朝天子賜五  
馬十年官至二千石漢家盜賊滿山東十城九  
城荆杞中王食常懷股肱郡蒼生久慕循良風  
况君兄弟皆甲第出入光輝無與比兄飛仙鳥  
宰王畿弟握侯符長千里四世五公自此始

不見關西楊伯起

大復集卷第十二

大復集卷第十三

七言歌行三十六首

石齋歌

濯錦江中錦爲水白石粼粼映江底江頭齋閣  
石嵯峨卜築題名摠因此唯撐空柱盤天地產  
秀生神豈人意日月霄通灑頭根風雲盡吐岷  
峨氣明公少年天下奇琅玕五色動光輝扶踈  
太華仙人掌照耀銀河織女機明堂大厦安梁

棟不獨文章翰林重懸磬真諧韶濩音國琛果  
獻珪璋用公登雲閣望雲林霄漢長歌白石吟  
功成思神補天手力在寧忘障海心衛公德業  
懷應滿李相風流今不遠海內完名已五成平  
生貞志同金斷萬里橋邊綠竹園百花潭畔平  
泉館待公一起尉蒼生還卧西山未應晚

五馬行

使君五馬采月氏方瞳夾鏡光離：長身峻耳

高七尺錦雲罕地玉花赤杏韉蹙鏜雙盤龍文  
羸翠刻金玲瓏青絲遊韁絙不住鐵色蹄翻錦  
苔地天閑沙苑貯幾時一朝分賜使君騎使君  
行春常露冕綏鞚張帟下山縣朱文露網動輕  
車四野人家望通幟去年來時楚江秋長鞭馳  
過黃鶴樓楚城駁馬十萬匹解鞍坐視不敢僞  
今年朝天入五鳳紅纓寶玦連錢重曉隨鸞聲  
撼玉珂九陌風微塵不動天子命下巡吾州

輝光重整金絡頭吁嗟吾州本狹促返徑寧當  
千里足行行前駕肅旦閑郡人遙望雙旌竿馳  
道父老應開顏區：孤豕誰敢前桑條吐葉青  
鬱：滿路春塵繞車轂使君不惜驅馳勞無令  
暴吏登民屋出門一送五馬行我馬踟躕皆不  
鳴相逢同是他鄉客惆悵城邊暮春別山亭草  
色細雨時野館梨花寒食節夕陽微微鄴城樹  
寒烟漠漠淮川月願言努力策霜蹄千金重有

登臺期

憶昔行

我年十一十二餘與子握手相懽娛嚴君視我  
猶視子日向庭前問詩禮我亦視君如弟兄夜  
入同衾晝同起當時見子已不群紅顏如玉目  
有神花邊燦：丹鳳雛天上矯：石麒麟笑予  
是時尚垂□把筆從君弄文翰聯翩白馬控雙  
御出入城中誰不看我當辭歸君失懽徘徊欲

別良獨難別未有懷徒帳望夢繞秋風沁水寒  
香、雲鴻異鄉縣十載長安見君面昔別未冠  
今已婚回憶少年空嘆羨一官碌、經三春二  
十光陰似飛電君有長才未得施卧龍儀鳳猶  
棲遲男兒成名在少壯感會風雲須及時人生  
聚會豈常有但願相知不相負君不見古來金  
石交結髮寸心期白首

崔生行

予之至京師也友人崔太史子鍾見之曰  
久不聞何子言矣爲我作崔生行

崔生自返金陵謫騎馬復走長安陷時危頗負  
經濟才海內俱識文章客自從盜賊近神京四  
海不見烟沙清黃河流血日慘怛中原戰骨霜  
縱橫朔方兵馬又已弱天下財賦難盡權書生  
不得言世務大臣誰有匡時畧我到長安訪交  
友子與河內猶相厚感君戀故有綈袍吐膽傾

必共杯酒六年更見玄都花萬事空傷薊門柳  
河內憂時未解顏子亦談兵不輟口金礦玉璞  
隱光曜紫氣龍泉鬱盤久議論及遭時輩已形  
容豈免流俗醜王良伯樂不在御驂騶裏徒  
能走人言古人未可輕古人徃：皆無成子雲  
老大不曉事殷浩當時空有名事去惟應嗟白  
首時來未必濟蒼生即今風塵回瀕洞羽檄飛  
符遞相送西北山河戰角悲東南天地軍麾動

江海未見魯運馳 朝廷不聞賈生慟塵埃早  
知才質殊霄漢况覩名聲重閨宮清廟待琴瑟  
大厦明堂要梁棟天生公等世所須努力他時  
有大用

憶昔行

并序

予上京師之二年汝正有湖南之行新政  
弛廢故人幾何晤語未諧離告又即愴然  
悲歌不能自己感念徃昔要之將來耳



憶昔長安相會日君方壯年我年小只今容顏  
有更變何況世事無紛擾先帝衣冠半零落  
十年賓友全稀少君今始作紫薇臣笑我金門  
落翬人馮唐上書亦嘆老子雲識字空愁貧艷  
陽三月枕李耀君非壯年我非少花開酒熟君  
遠行可惜春風阻懽笑明星迢々車關々遙向  
楚水辭燕山但看朱紱在腰下笑使白髮生顛  
間武昌城邊江色澗襄陽漢水允堪羨東行何

自訪鱸魚南飛不得隨鴻鴈少癖山水耽雲松  
兩年楚上多行蹤浮湘直下三千里望岳遙瞻  
七十峯知君跌宕輕駟馬顧予豈是功名者安  
得浮沉帝座傍會須覽眺蒼梧野蒼梧風烟  
秋色間武昌高樓吹笛哀帝乘白雲去不返仙  
人黃鶴何時來君行訪古兼化俗長楫輜軒指  
南極岸上遊穿巖虎林潭中生傍龜鼉國他時  
倘覓桃花源北風爲爾傳消息

田子行

君不見黃河西來北入海千載却倒東南流淮  
水如絲納九曲桐栢山作崑崙丘我家清淮邊  
君家大河側開闢二水今合同久生變化無南  
北田子之生河降神十五手掣生麒麟二十辭  
家觀國賓三十謁帝爲近臣赤瑋青瓊日月上  
金馬銀臺河漢津自矜一身遇明主便欲登天  
叩天鼓天門晝闕守虎豹雲師屏翳雷公怒烟

氣縹緲隨飛龍電光閃爍笑玉女太清星辰下  
羅列歛忽聞闔生風雨丹誠不回白日照祀國  
憂大獨勞苦我持彤管雙鳳翎浮沉帝傍近  
紫庭文園著書久消渴據地酣歌常不醒長安  
少女花在側茂陵美妾空娉婷漢皇不好相知  
賦方朔誰知是歲星愛君襟期特奇萬諫垣給  
舍持風采平生古今開萬卷搖筆風雲動五彩  
致君堯舜豈無術許身稷卨終難改袖中一札

諫獵書三歲磨滅未見採鍊石何時更補天  
沙枉自思填海君不見楚人當時不識玉  
海客無心采明月明珠暗投反按劍白璧  
三獻還遭剛連城高價後始定照乘奇光  
有時發鳳凰不及鷓鴣鳴鴛鴦却笑驂  
騑君不見長孺從來笑積薪公孫布衣  
爲漢臣千秋開口取卿相董生白頭其  
賤貧萬言不如一言重宜絃曲鉤安可  
論賈生何能善經灌任安徒事衛將軍  
我今

與子俱落魄過飲悲歌慨今昔咸陽酒  
客五花馬耶鄴博徒千金擲古來豪俠  
亦可喜可憐聖賢皆厄寒豫章干雲世  
希用龍泉貫斗人難識神駿翻爲韉下  
駒冥鴻已愧籠中翼出門與子常相憶  
清淮大河見顏色

樂陵令行

山東郡縣一百八無有一城無戰場到  
今漂血成野水如山白骨橫秋霜雲臺  
功高將不收投

筆亦有書生謀黃金大印賜豪貴白面豈得官  
封侯唐朝公卿集如雲平原太守名不聞二千  
四城見賊走抗城乃是平原守君不見前者寇  
盜時縣吏州官各亡命北梁白馬終日行濟上  
黃旗錯相映不聞開門戰但聞開門迫嗟手平  
原太守樂陵令

少谷子行

少谷子在武夷之山二十抱策叩燕關朝排闥

闔暮湖海九霄萬里身翻攀豈徒聲名冠帝里  
要使踪跡窮人寰竭來京華始一識意氣形油  
兩相得肺腑真成水石痼詞章亦帶烟霞色龍  
姿鶴性不易馴海思江情浩無極頃將東遊觀  
岱宗便欲下泛滄溟中颺風奔浪岩洞黑鱉日  
壓山樓觀紅南洋江淮覽吳越復上倉稽探禹  
穴去鳥晴生鴈宕雲飛虹夜躡天台雪波濤竒  
渺岑崿移遍訪名山入武夷仗劍不受百怪出

采芝或得羣仙隨只今妙年始三十辭官讀書  
志何逸九曲烟花對草堂三山蘿月開芸室已  
看鳳凰在千仞回首驂騑空萬匹八月高城氣  
稍勁流螢木葉交相映燕山遊子落日吟海濱  
歸客秋風興他日遙尋少谷峯武夷莫作終南  
徑

九川行

君不見自從天地開天下之水皆西來黃河崑

崙一線出下轉秦甸轟奔雷長江廣漢兩盪潏  
濁涇清渭中縈迴帝遣九龍下治此江漢安流  
涇渭理華嶽中斷仙掌高却放黃河行萬里九  
龍蜿蜒上天去至今猶餘九川水秦中雲雨四  
時遍此地塵沙幾回徙我來長安不見九川水  
得見九川子九川子是非常人朝辭川上麋鹿  
群夕登青瑣爲帝臣已從華表補日月况孰  
彤管排風雲長風西來吹北極西望川流渺何

極野岸空懸舟楫心寒林暮繞浚濤色吁嗟江  
漢猶阻兵中原不見黃河清雁蛇豺虎滿道路  
黃埃濁浪無人行九川子何不更鞭九龍起坐  
視天下橫流水

送葉生還閩中兼懷鄭繼之

葉生行吟燕市申芻巾麻鞋歲將晚兩都為客  
今始歸五岳尋仙不辭遠江南畫舸春柳低海  
上茅堂白雲滿谷口如逢鄭子真為道樓遲未

應返

送林利正同知之潮陽

憶在成均共携手泉山門下相如久萬里恩情  
若父兄十年道義漸師友君才豈孤一第名佩  
刀今作嶺南行掛帆夜宿天邊樹伐鼓朝登海  
上城燕京相逢顏色好相逢何難別草々過家  
登堂壽禮畢道子問訊泉山老

金陵歌送李先生

李公爲舅有昌甥：舅四海皆知名，呂君關西  
昨日去，公自金陵來，復行金陵江水無斷絕，金  
陵之山高巖：龍虎千年抱，帝京星辰萬里  
羅天闕，白鷺洲前芳草歇，清江湘上看明月，燕  
山北望花如雪。

送何燕泉今昔行

君不見燕泉何子生，南岳十八名，聲動江海年  
今四十少，方伯富貴由來重，文采金章紫綬乃

自致黑髮紅顏，未曾改憶初射策，逢先皇我  
爲進士子，爲郎芳花醉，踏清沙苑春，樹迎開畫  
省堂，每投桃李報瓊玖，多謝相知更相厚，倚玉  
元非異姓兄，斷金况是同心友，寧知世事多變  
更，歧路人間各分手，西海風塵半甲兵，十年意  
氣還杯酒，子方出守紫薇垣，予亦棲遲金馬門  
黃金盡識故交態，白璧翻思明主恩，中原送  
別哀離亂，汝水嵩川客心斷，行馬秋臨清洛流。

戰場暮吊黃河岸  
薊桑青、燕草碧  
梁王城邊杏花白  
功勳名位行首期  
慷慨爲子歌  
今昔

與崔子同送劉以正還關中

燕川芳草歇已久  
行子西行吏回首  
駿馬春停渭曲花  
金鞭暮指秦川柳  
看君兄弟皆英雄  
十年側想中丞公  
東山雲月卧未起  
北海賓客誰相通  
荷花初紅酒初碧  
汝歸登堂見顏色  
若問長安舊友生  
崔何二子常相憶

醉歌贈子容使湖南使道歸省兼訊獻

吉

徐卿此行壯觀莫與伍  
東將入吳西入楚  
都門悵飲慨今昔  
酒酣拔劍爲汝歌  
起舞聖朝分封重  
茅土詞林禮樂超前古  
冠冕諸邦拱至尊  
冊書十道開天府  
臣廬峰南繞江漢  
洞庭武昌半樓觀  
壽酒花開海上堂  
使舟車滿湘西岸  
憶卿翻飛霄漢裏  
結交豈少青雲士  
眼



中何人最知己十年之交吾與李李生近買陽  
羨田又欲鼓柁襄江船風塵落日倘相遇爲我  
問訊江湖前

薛生行

君不見少府志年交弭衡中郎倒屣迎王粲坐  
間賓客盡傾倒海內賢豪流英盼古人愛才今  
不如薛生豈得無嗟嘆昨來布衣見天子曰  
向長安乘欵段公卿門前耻干謁東歸把釣黃

河岸年少今看萬卷開遠遊自負三山願丈夫  
有朱須用世未飾終身隨草蔓閑居好著子虛  
篇行落長歌白石爛

晚過田水南有贈

田郎閉門著書今幾卷我欲與子數相見譚痕  
雖稱青瑣賢經過罕識黃門面長安雨積鞍馬  
稀堂下苔生集秋燕四海何人問草玄一經徒  
使桓譚羨

延津歌送韓令

延津寇過餘少男延津縣令莫停驂雙鳧直向  
黃河北一鴛先飛清衛南黃河岸邊不種火過  
浪滔天多賈客城中少男爾勿愁縣令到時爲  
買斗

谷進士宴歸歌

五城十樓春窈窕九衢夜半人行少月高醉客  
金鞭垂花簇銀鞍弄驪裏我皇九載羅豪英

坐收四百皆才名四百人中見谷生綠袍白面  
誰不驚谷生自昔中州士布衣三來謁天子  
十年讀書梁王臺一日走馬長安市長安鍾鼓  
聲入雲相逢却避新郎君赤鯉在天振羽翼神  
駿得路超凡群嗚呼此圖人共羨已識君身不  
貧賤萬言莫忘北朝書乎載常記南宮宴嗚呼  
此圖人共羨

遠遊篇送揚中舍承家雲南首臺

君不見昆明池去京一萬里山盤海曲在天上  
日轉星旋羅地底生神發秀千百年太宰源流  
自茲始七歲辭家朝 帝京登台賤斗榮舟名  
水木更起丘原情請 帝帝遣中書行中書此  
行人天子重赤車駟馬都人送岳樓畫錦湖光  
開京口春帆江色動瀟相齧整經水國衡巫瘴  
癘雲來黑銅柱標南閩南絕錦官城西指西域  
揮毫憑軾驚蠻夷却似太宰中書時相如使蜀

光

人同羨遷史浮相志自奇憶昔滇中爲使者黔  
公宴我滇山下酒罷曾驚壯士弓賦成尚倚將  
軍馬今日看君萬里歸山川草木倍走輝公卿  
禮數古來少父子聲名天下稀五華岡頭日朝  
放點蒼山此雲如障遠遊可樂須早還 帝里  
親闈兩相望

裕州行

今年春夏雨不絕黃河以南漸殺麥裕州城中

十萬家自經寇盜惟黃沙名商大賈歲不集  
新絲舊穀嗟何及郝族五馬天上來  
寒帷露冕開風靈教農服田賈服賈  
只有牛馬無豺虎

石川子歌

石川之水東流入東海濤雷灑雪幾湯盪齒  
石欄爛色不改秦山峩峩青石室樓閣窈窕  
雲霧密懸峯牕牖瞰海底紅輪倒影扶桑日  
波上三山渺安在海靈冥現百怪蛟螭九首  
般罽烏梁

神仙萬古長相待石川子七年葺茅卧烟島  
炊食藜被褐身懷寶海東隱淪見面難地北  
潛夫著書卑自從召起綰銀章常夢山中把  
瑤草白雨青蘿書白巫沙風赤葉秋空掃京  
華相遇謫仙才笑解金龜沽綠醕花邊昔放  
雙鳧去雲台衣今騎一鶴來蔣琬元知非百  
里李渤終爲諫官起冥鴻逝鵠須爾期天路  
雲衛自茲始君不見魯門海鳥本避災國人  
祀之反求福雖有鍾鼓羅

玉鑿驚鳴駭顧安龍食甲兒固要為龍蛇胡為  
屈身終日隨塵沙

杏林曲

君不見蕭御醫何年種杏成杏林霞蒸日爛開  
方甸門庭垂寶虎畫守飛花九疇人羨菊泉  
橘井俱仙靈豈如萬樹春風散今皇御醫皆  
不賤麒麟緋袍常引見奉詔時翻本草經承  
恩數錫仙桃宴君今一身官未尊白頭抱藝趨

金門輕才重義世罕比起死回生不自論林中  
有草金光耿服食可以延壽命蕭君蕭君進此  
藥令我皇帝萬歲無疾病

周儀賓朝天歌

周君來從大梁發搖鞭却指秦樓月燕山臘盡  
春未生可憐裘馬衝霜雪憶昨雲霄謁帝關春  
卿引見紫宸班天門九重羅虎豹一月不得朝  
龍顏館甥帝室恩數少尚女王家禮非小中山

更傳聞樂對陳王亦進通親表伊昔梁王金盛  
時車騎從官皆漢儀遣使常聞八珍送入朝數  
賜飛龍騎百餘年間事勢殊諸侯出或乘驢重  
朱門賓從想冠劍白頭王孫行路衢君歸為我  
一問訊梁園賦客今何如

送五清先生赴浙江提學歌

天台文宿衝紫霄先生捧勅馳星軺越山桃李  
花萬樹春色早渡錢塘潮憶昨先生遭斥逐漂

泊湖湘望巴蜀九江鴻雁春冥冥七澤龍蛇畫  
盤曲洞庭天高急霜霰冰河雪崖開燕甸北來  
駟馬一日聞傾都走識先生面十年卜築楚材  
墟萬里今瞻漢宮殿當朝門生貴不少先皇  
學士人猶見金門誰留供奉班銀魚舊錫恩榮  
宴長安春迴獨回首翠烟漸入龍池柳薊門禹  
穴自此分送餞先生百壺酒丈夫轆軒心不疑  
賢聖流離古來有已看身作指南車况復名高

懸北斗階珠和壁世珍重眼前點點終難動聖  
人不久奏雲門海門近亦求梁棟琴瑟須聆清  
廟音豫章且待明堂用我聞衡嶽與天參七十  
二峯江漢南不然信此可棲息無使天柱石鼓  
空巉巖

贈范君

桂陽之山石巖崕四時雲氣流松松江開秀色  
盤三楚天削芙蓉羅七峯翻烟霧下鳳鸞往

往霹靂隨蛟龍鍾奇崖異理亦有黃金丹沙問  
瓊玖何況人傑非地靈碩士名儒映先後君山  
燕泉各一時晚逢范君亦其偶范君古貌更好  
古問之君山乃其祖學海遙聞前輩風辭場獨  
覺良王苦君為進士宰江縣頗厭簿書耽筆硯  
神龍未應困泥滓驂騑會自追風電君山十年  
絕相見君如見君山面燕京四月花滿甸  
邂逅不得同遊宴花間送爾雙鳧翔廬山高橫

玉梁雲停鴈過一回首月明琴靜誰舉鷓我自  
辭家來帝鄉宿賓舊友稀登堂悵望南邦思桂  
陽念今道故增悲傷

相逢行贈孫從一

長安風吹萬楊柳與君走馬相逢久昨朝邂逅  
樽酒聞二十年来一回首我官十年前君官十  
年後眼底相看已壯齡世間萬事真翻手憶初  
少小來東曹君家兄弟同遊遨尚書庭前兩玉

樹白日燦爛秋風高爾時見君氣已豪花顏雲  
鬢青錦袍石麟在天動鱗甲赤鳳排雲生羽毛  
只今骨格殊怕調頰都見者嗟英妙恨不置之  
玉堂賓誰令久待金門詔求嘉山水稱絕奇且  
與謝客同襟期花裏開簾仙更出松間著屐山  
人隨尚書風義古無比如君更是尚書子尚書  
東山間白雲高卧不爲蒼生起漢庭我亦東方  
生悵望名山無限情海雲浩歌起春色送爾萬



里東南行

李大天行

君不見大梁李進士年未三十官大夫金鍾翠  
釜識國器汗血飛黃看過都耶來走馬長安道  
一日聲名盡傾倒墨卿學士競迎致搖筆登壇  
為揮掃盧前王後不足論曹劉沈謝升堂早我  
方避世金門前君獨時時問草玄金聲一擲天  
台賦鳳沼常留香草篇憶年二十當弱冠結交

四海皆豪彥文章天上借吹噓杯酒人中迴顧  
盼十年流落失邊李詞場寂寞希篇翰自從去  
歲得李薛令我倡嘆增顏色對坐相看兩鳳毛  
破圍貫籍千軍力安陽崔史文絕倫意氣頗與  
二子親蘇臺徐卿愛才者曲巷往々停車輪斯  
文在天未墜地我輩努力追前人波瀾瀾倒挽  
一髮鯨翻鼉擲爭嶙峋薛主歸釣黃河岸君亦  
遙維沔川纜霄漢終還五馬車江湖暫解雙龍

劍古未丈夫或未偶畏途輒軻無不有李廣差  
過灞上亭賈生愁醉長沙酒倘遇馮唐老見君  
一言更薦雲中守

海山謠壽李宗伯

一鶴東北飛徘徊若返顧仙人乘之海外來衣  
裳幼窈流雲霧碧海三山列仙圖貝宮差我羅  
萬牖上臨紫極躡三台下見瑤京開北斗手發  
玉絨龍虎文再拜遠爲尚書壽尚書巖、霍岳

姿身長八尺揚脩眉夜懸赤烏星辰側書入銀  
臺獻納司 先皇舊臣盡雲卧爾時出入名聲  
播二十餘年列九卿近日新街叅八座海內清  
心祇獨知當朝苦節誰人過海門波濤香吐吞  
中有桃樹盤石根千年柯幹撐日月萬里枝業  
垂昆崙觀國願君壽與此長爲梁棟留乾坤

河嵩篇壽張母

梁王古城河水頭北堂坐對嵩山丘雲明二室

三花樹天上崑崙九曲流絳霄寶笈光射地早  
宿潛通河嶽氣絨書爛熳歌自雲長安遠附青  
鸞使

古愚翁挽詞

古龍啾、啼劍井、底秋泉七星冷漪蘭掌上  
瑟不鳴悽調空懷金石聲劍亦不復得瑟亦不  
復聞悠、何處尋封君何處尋封君林壑幽  
風雨黑錫山崔嵬暮峯影吳江慘澹秋波色江

之南山之北松梧幾樹封君宅來往徘徊嘆行  
客

哭幼女行

二十生男不解愛頗厭世間兒子能年未抱文  
心甚憐却悔從前空慷慨女生一歲眉目揚笑  
指兄姊羅成行鏡裏嬌啼映牖床前學步牽  
衣裳春風吹鳧鳧不住來從何來去何去錦裯  
曾占夢月時玉錢又哭埋香處乾坤得失安有

憑昨日樂極今哀生常怪他人不快意乃知我  
輩真鍾情皇天能生亦能死造化弄人每如此  
雲散雲凝亦偶然花開花謝緣何事婦人性癡  
還過傷奔走叫號如病狂作詩示妻兼自解轉  
見八間父母腸

馮都督歌

都督猛氣世不多一日百戰千里過賊頭纍  
十馬馱東至滄海南黃河宋門西平傳凱歌洛

水轉關風揚波虜營晝雨淋滂沱面貫雙箭猶  
揮戈君不見諸將歸來金滿室生封萬戶食千  
邑都督河頭死爲伯

三山春宴圖歌

自有三山鎮京口形勢跨絕東南山江吞海吐  
互變見參天峙地何嶮兀憑風倒影萬樓閣動  
搖縹緲虛無間色開帛上金銀闕氣接天中龍  
虎關我從唐翁畫圖見大夫指點三山宴仙人

駭鸞倏來往烟鬢霧珮流雲霞江桃千春一放  
花海桑直古終難變開圖爲寫長生詞却訝丹  
青山水奇白浪閃灼金芙蓉青天靜拭青琉璃  
蓬萊下用六鰲載緱嶺遙將雙鳳騎地靈生人  
本非偶禱尼隆嶽理亦有大夫家住三山口絲  
衣婦來奉翁母願言壽比三山久

王都諫書鷹歌

蔣生畫鷹筆勢何昂藏塞林海障產真骨倏爾

飛立都諫之高堂千年古色動崖壑一匹素練  
間風霜都諫常稱蔣生筆此鷹神駿果無匹乍  
見遙驚俊思生細觀轉覺竒姿出人間鷲鳥各  
異種紛、搏擊相矜寵飽颺飢附更誰憑制時日  
翻鞞空自勇此鷹不逐群鴈飛亦似都諫獨立  
霄漢當天閣羽毛未林然振赤日意氣矯欲排翔  
雲君不見郊原白日荆棘簇射獵無人敢馳突  
樹裏鴟鵂尚九霄草中狐兔仍三窟爾鷹爾鷹

安得一起乘高秋  
惡鳥不鳴獸辟去  
再使郊原  
麟鳳遊

題袁惟武鷹熊圖

林良畫筆真絕倫  
蒼鷹玄熊俱有神  
白頭翁鳥更相共  
毛羽遙看欲飛動  
空山古林霜色高  
秋天骨勢何其豪  
猛氣應知萬鳥避  
威風頓使群狸號  
畫史當年元有意  
袁君意氣還相似  
執節寧辭皓首心  
承家况是青雲器  
圖龍寫鳳皆可

羞此幅未許千金酬  
世間玩物不足貴  
要見英雄到白頭

大復集卷第十三



